

靈芬館詞四種

序

余自存齋夢浮睂二集意不復更作而數年以來學道未深  
幻情妄想投閒紛然加以友朋牽率多體物補題之作共得  
如干首不忍棄去過而存之鐵秀之呵固所不免休文之懺  
竊或庶幾亦自恨結習之難除悔過之不勇也嘉慶丁卯長  
至日鉛山舟中自敘

懺餘綺語

吳江 郭麐 祥伯

卷一

月華清

古銅一器如環背隆然有夔文雲臺中丞證以漢書外戚傳班固何晏賦定爲金釭屬賦此詞

根失倉琅關飛牡鑰漢宮遺事誰省幸舍椒塗猶賸辱金如餅看團團環轉無端見涎涎燕飛畱影試問是落帶連錢此焉二等想得溫柔鄉近映月滿方諸日闕員蜃流落千年但有土花苔暈笑從渠禍水痕侵應不比銅仙淚滲此恨只淒然通德背鐙還認

疎影

黃葉邨圖

已秋未老。正西風幾樹。畫出斜照。如此江南。著箇扁舟。看來  
煙水都好。漲痕初落。籬根露。添屋角。數峯清峭。想前邨定有  
人尋。樹下小門開了。自笑吾家同在。半邨半郭裏。歸計難  
料。輸與谿翁。三腳鐺邊。滿地霜華新掃。馬塍西去。秋盦冷。只  
近日。竹林遊少。謂小松怕蕭蕭。慄慄淒淒。點點暮雅寒早。

柳梢青

惜花圖爲默齋作

斷送春光。花開花落。老卻潘郎。白白朱朱。紛紛點點。惜惜悵悵。  
青箔生徧。長廊是埋玉。淡淡土香。燕子歸時。畫簾垂處。  
一段斜陽。

一枝花

默齋將有閩海之行以丁巳歲方君蘭坻所作西湖餞別行看屬題歎逝傷離輒成此解

濕翠濃如許過了朝來涼雨野航三兩客舊漚鷺且緩驪歌  
小著尊前句圖畫憑畱取老去方干經營慘澹心苦往事  
休重訴又早送君南浦天涯端可惜酒人去天末閩山如薺  
圍榕樹橫海樓船渡問手掣長鯨更憶釣魚師不

柳色黃

六扇窗紗斜掩微寒梅雨初過香篝潤逼紅綃笑覆畫衣文  
袴良宵正永那信一殘春膠遙山漸澹眉痕妥若是不相憐  
肯佯佯偷臥真箇入裏明月碧海青天半霄輕墮花影參  
差可恨烏龍閒鎖自來小膽況經此度怔忡勝常道罷回身  
可道是不相憐又遙遙同坐

柳梢青

題斜倚熏籠坐到明仕女

玳玉誰溫。熏籠倚徧。難慰。嗁痕。蠟鳳猶明。檐鴉未起。還算黃昏。有人曾隔中門。只許見朝來面勻。簾柵垂時。剪刀放了。各自銷魂。

齊天樂

查梅史琴媵軒屬賦

吳蠶愛作同功繭。冰絲打來千縷。軫玉分田。微金鑄礦。久矣心心心許。三星在戶。伴謝女檀郎。最淡淡處。百福香簪。鱗鱗魚婢笑看汝。長卿可惜遊倦。鷓鴣裘典了。誰買詞賦。錦瑟人長。茂陵草綠。暗老舊時芳侶。何時酒取。怕鬢影春風。天寒日暮。一曲思歸。惜惜淡夜語。

邁陂塘

查丙塘補屋圖

笑年年塗泥束版。寓公眞似梁燕。尋常不待秋風破。已是三  
重茅卷。空谷晚。儘帶荔披蘿。楚客工幽怨。阿稽阿段。等刈稻  
歸來。水筒修了。商略手初斷。書生志。廣厦曾中千萬。漂搖  
先自難免。妻孥不怪牀牀漏。頗怪屋梁仰面。君不見。有碌碡  
場邊。苦草新如翦。紙糊窗暖。坐曝背鄰翁。驅雞稚子。旭日照  
檐滿。

南鄉子

夜永細聞香。坐近金鑪鵲尾旁。好是問人眠得未。空牀。白月  
微微印一方。端的沒商量。臨去殷勤一盼郎。聽得中門雙  
扇闔。倉琅。彼此生生暗斷腸。

又

嬌極卻愁他。未綰積雲兩髻鴉。便問昨宵應酒渴。薑芽玉椀。攜來雀舌茶。何計報伊家。說著先教粉淚斜。只願年年相對坐。窗紗。君似菱花妾似花。

點絳脣

詠小

叢桂山邊。那年早識愁滋味。羅衣心字。憐取橫陳未。一點脣朱兩點顰。眉翠紅兒比畫橋。第四添个。人人你。

鵲橋仙

詠五

梅花春早。雪花春好。色色迷離都有問。年剛是月圓團圓想。初二初三時候。丁丁漏急。夔夔鼓絕。教孽藏鉤。纖手移家船。



上肯同吾算只少箇儂一口

南樓令

了鳥鎖黃金交疏隱碧岑一重樓一段春心欲寄閒愁無著處人定後月微陰舊夢苦侵尋花枝瘦不禁傷闌干驚起栖禽燭影幢幢鐙上了想又是疊重衾

滿庭芳

題沈秋卿夢綠庵

過雨霑沙流雲學水庭院又是微寒梧陰竹影淡處著蕉團幾番去怱怱花信換淒迷一曲闌干無人到香鑪茗盃欹枕睡初安前賢思北郭羈臣老去易雜悲歡夢江南萬綠見也都難年少東陽何事卻尋常腰帶圍寬他時去圓莎分我吟就刻琅玕

綠意

娜嬛仙館蕉花畫卷

新涼雨足正乍回曉夢天影都綠半拓吟窗忽見低垂重重  
芳意如慙煮茶煙澹秋痕瘦彈牆角一枝寒玉笑美人別逞  
妖妍小露紅情猶俗想爲著書人倦墨花梨几淨相伴幽  
獨史蘂焚餘點筆圖成仙掌露珠凝粟詩人愛寫蕭寒景恨  
未入雪中橫幅更待他鳳實成時畱配故園修竹

采桑子

碧紗窗外風吹雨密密疏疏似有如無薄醉消時燭暈初  
醒來呼婦閒商略載酒江湖息影菰蘆還作征夫作釣徒

探春慢

陳子玉鄧尉尋春詩意

烏榜衝煙魚鱗動鏡俊遊肯待春晚雨水才交雪花初霽人  
在虎山橋畔吟到荒寒處卻早有翠禽曉徧笑他歌舫怱怱  
只向山塘塘半記共阿連徐孺載畫榼瘦瓢三宿猶戀風  
帽欲稽冰苔印屐似爾少年清婉回首昔年夢已兩鬢吳霜  
輕點倘覓畱題石樓應有詩版

醉太平

春花白紅春山澹濃春波才著春風疊春羅幾重春晴意  
慵春陰懊惱待他春月溶溶約春人載同

賣花聲

飲泉自畫芳草以寄望廬之思爲賦此調

一片好莓苔綠了空階葳蕤淡鎖舊池臺除卻斜陽和燕子  
還有誰來風約畫簾閒獨自徘徊春痕如夢滿天涯泥上

韞羅泉下玉都被伊埋

高陽臺

醉雲樓爲康山主人江文叔賦

十里珠簾二分明月仙人原好樓居別起閒房上頭青鳥飛  
初多情合爲瓊漿醉早氤氲結就流蘇掩銅鋪萬綠陰中好  
箇青廬鴛鴦待闕先開社問何時西曲駕六萌車雜體江  
淹要伊小字親書外人那識高唐賦見行雲紅上交疏笑狂  
奴他日重來平視容無

菩薩蠻

紅橋晏集代錢錢作

楊花薄處春雲厚紅橋微雨愁時候初試袂羅衣問人宜不  
宜坐中皆俊侶更喜能吳語千二百輕鸞何人沈下賢

釵頭鳳

鳳兒詞爲文叔作

丹山麓屏山曲桐花倒挂珍禽綠調琴等吹簫引初三下九  
月明風定肯肯肯香車促明珠斛何人墮此懷中玉文窗  
冷文園病一簾秋雨滿階花影認認認

一枝花

嚴九能姬人張秋月故外家青衣也字以香修爲  
繪秋江載月圖寄題其卷

月色兼秋色江上白蘋風急張星剛一箇月邊出除是君平  
還認支機石應見天孫說僥倖梁清明河影裏迎接相憶  
重相惜崇讓宅中曾識問卿緣底事淚痕溼從此雙修儘安  
穩雙栖得心香憑夏蕤沈水博山鑪看伊隨意綰結

張愛誦  
唐人但

見淚痕  
心恨誰之句  
不知

惜餘韻詞卷一

鳳皇臺上憶吹簫

題九能畫扇齋秋怨詞用漱玉韻原詞重一休字  
今易之

石闕碑銜金缸淚滿彈碁局在心頭把一襟幽恨寫上銀鉤  
已是今生憐眷便他生未卜還休如何更星星記夢瑟瑟驚  
秋香修幾生到此書縫列芳名指印同畱屬春人秋士好  
在紅樓夜夜牀前明月爲故鄉溼了雙眸君多事人方欲愁  
卻又言愁

疏影

上元夜退菴招飲梅花下越日壽生自分湖來復  
會于此用白石韻記之

玲瓏碎玉是舊時月色招我同宿隔歲相思第一回員休教  
便弄橫竹微雲澹澹疎鐙小只解照枝南枝北儘夜淡閒與  
徘徊不管倚樓人獨佳約逾期肯踐夜潮放一舸來趁酒  
添側帽吟寒也勝豪家爛醉雲屏金屋江城試譜偷聲句怕  
略犯龜茲新曲算不如畱影文窗看取畫羅十平幅

探春慢

題汪芝亭桃花潭水圖

浪暖魚鱗霞蒸鴨脚川原遠近紅徧白舫猶閒青山如笑已  
有酒旗風颭遙認前邨路問潭水近來淺淺尋芳想未歸來  
文窗一半斜掩難忘人生知己聽岸上蹋歌密意先感采  
石磯頭沈香亭畔何似水邨山店商略從君住算我亦宮袍  
游倦新釀成時高歌爛醉誰管

霓裳中序第一

陳秋堂蕉林學書卷題詞

閒來補爾雅別院梧桐微雨灑剛是園林首夏正葦影天低  
蠟痕風炮香姜古瓦又麥光烏几鋪乍憑吟賞蛛絲拂徧蝸  
迹篆文寫窗下水天閒話賸修竹數竿低亞人閒噩夢可  
怕看老去王維前生曾畫鐵生金壺隨意瀉定一百碑礫比  
價還應笑冷抱殘編甚日殺青也

雙雙燕

燕來筇春晚客中憶故園風物得以下四闋

幾番發火聽昨夜輕雷隔離先響參差迸土穿破碧苔如掌  
那忍堆槃獨享正社響乍開鄰釀少年最惜芳華淺醉烏衣  
淡巷比似春蔥纖樣勝貓臥駢頭兒綳脫強香泥愁洗上



有芹芽新長苦憶園林勝賞已稍拓當風窗網得知今歲櫻  
筵樓上人人無恙

附前調

曹言純種水

翠釵翦綵數風味園蔬盼來良久香泥壘戶乍是去年時  
候綳錦紛紛卸就又誰識評量玉瘦除非似尖尖社日  
停針纖手春酒治顰儘有羨鬪罷籬翁煮殘鄰叟山廚  
安配任斥油蔥蘆韭愁自櫻筵散後歎巢幕生涯依舊空  
竝雉尾萼絲夢想故邨谿口

清波引

楊花銀魚

柳吹成絮渾未見綠萍礙艣昨宵涼雨波心櫂頭聚網定千  
絲石一寸天然如許是誰憐錫芳名算白小應輸汝回潮

枉渚記當日孤艇小住不如歸去鶯脰作漁父菽乳香同煮  
篷背炊煙幾縷繫纜一帶垂楊最惜惜處

附

前調

黃安壽 霽青

聽鳴榔徧依約在綠楊遠岸料應春晚連朝絮飄斷喜得  
漁童報出網銀絲凌亂試來花港閒觀正唼唼白蘋滿  
圓筋入饌比鱸膾風味不減水邨江店就船買尤賤調羹  
愛摻手一半晶鹽細摻憶殺三月吳淞舵樓炊飯

夏初臨

麥人

吳鄉立夏以新麥微炙掌  
搓令熟謂之麥人以佐酒

白袷衫裁黃雲隴割麥秋將雨還晴立夏時光青梅白筍朱  
櫻登筵莫訝猶生費曉寒玉手搓成年年風景鮰魚網出雉  
雉茸鳴 兒童失喜翁媪開顏預知餅大合用羅輕冬前三

自去年曾見瓊英顥顥勻圓算除非瑟瑟盤盛念何時江湖  
得歸相就魚羹

元次山詩將歸就  
魚麥窮老江湖邊

附  
前調

曹言純

雌雉初馴噎鳩早熟黃雲正捲春殘雪片勻搓影擡纖手  
闌干婦姑還坐團爨最憐他翠袖雕盤妝眉樓上秋風未  
來先作微寒 春來春去長定年時麴車夜夢麴市朝餐  
鄉思更切禽言婆餅林端試整歸鞍怕飛蛾已上新紈待  
重看雙雙臂支只恐都寬

附  
前調

黃安濤

雉雌風前蛾飛雨後登場休過三辛病起春殘浮生又得  
嘗新漫磨白雪紛紛看盤中粒粒珠傾厨爨捧出麴塵簌  
了半取孤斟 書生結習辨種應難持竿空護說餅還能

清衫潔倒尊前賦手誰尋此日櫻筵合相招枕麴劉伶料  
吾徒黃羅帕封無分承恩費禕有麥賦東坡詩注今大內  
當麥熟時以黃羅帕封賜百官

惜紅衣

紫荷花草

菜甲黃攪麥畦翠剡半塍初繡紫艷紅天平鋪地衣厚芳名  
最好算合襯蹋青鞵瘦知否陌上泥香乍清明時候 風前  
雨後一簇衣香何人此攜酒春痕研妥想定坐來久記取往  
時沈醉守到夕陽紅皺看牧童歸晚了角一雙簪又

雪獅兒

杭俗清明以粉餌作狗貯至立夏食之云可祛夏  
疫呼爲清明狗月璘屬余咏之

搓酥滴粉誰把烏龍青黃偷塑寒食無煙搖尾知渠何處綵

絲縛住應不吠桃花月午怕待到石泉榆火論功烹汝長  
夏困人良苦想文園病久爲伊禳取上冢歸來黃胖泥孩同  
貯嬉遊伴侶小膽怯柳邨花隴青春暮試問寄書能否

揚州慢

寄康山諸友

水木清華亭臺窈窕此中況著吟朋有雜花如錦有酒又如  
澠正吹雪鱗魚上後藥闌紅處翠裏同凭屬嬉春新句醉中  
寫上吳綾江湖載酒料狀元此樂何曾也十面琵琶百番  
腰鼓換了滂膺說與史半袁方子雲張子貞顧芝山想登臨  
憶我還能夢飛帆來也隔江山色稜稜

琵琶仙

寄懷文叔

淺渚微吟句畱處正是春光婪尾窗外時有春風來吹一池  
水況俊侶風情未減看賓主才華齊綺側帽聽鶯回波撼簷  
總在花底江郎賦輕別念念對紅藥沈吟一年矣書記縱  
然無恙只離情難寄還試問雲窗霧閣定有人薄攏雙髻更  
念宿雨晴時海桐開未

柳梢青

河東君小像

施粉施朱幅巾闊裏雅合稱儒柳亦號儒士白足逃禪黃絕入道  
老卻尚書百年彈指須臾更省識春風畫圖紅豆花殘紅  
羊劫小恨滿薜蘿

摸魚子

汪蛟門先生少壯三好圖藏秦敦夫太史家太史

屬題

是何人持杯踞坐。圖書粉黛叢裏。舍人才地鴻臚筆。大有六朝風味。聊快意。看當日羣公一一爭題字。蕭郎差似怕百尺梧桐而今愁。換。繡屋白楊矣。平生好。何止區區三事。可憐少壯能幾。酒闌歌罷蛾眉散。老共蝨魚生死。秦學士。想山抹微雲。此曲人能記。二分月底。且屏當籤。屨安排錯杓。容我坐中醉。

西子妝

題壽生西湖訪秋詩冊

卯色浮青魚雲疊碧過了幾番涼雨柳痕煙態已疎疎記年年看秋來處長隄延佇有多少驚疇漚侶讓吳儂買蜻蛉一箇任風吹去君休誤此段清遊天合教領取幫腰草綠馬

曉香是當時少年情緒病懷漫與伴低唱淺斟應許屬尊前  
休賦悲秋秀句

水調歌頭

望湖樓

其上天如水其下水如天天容水色渌淨樓閣鏡中懸面面  
玲瓏窗戶更著疏疏簾子湖影澹于煙白雨忽吹散涼到白  
鷗邊 酌寒泉薦秋菊問坡仙問君何事一去七百有餘年  
又問瓊樓玉宇能否羽衣吹簫乘醉賦長篇一笑我狂矣且  
放總宜船

清平樂

酒醒人起竹影篩窗紙薄薄羅衾涼似水第一天涯滋味  
柔魂不隔嚴城號妝見也分明欲續枕函殘夢奈他一陣鴉



聲

浪淘沙

西陵晚歸

積雨淨谿沙魚尾明霞缺瓜小小趁風撈幾箇畫船歸去也  
閒殺蘋花 煙靄半橫斜樹杪周遮酒旗樓角是誰家一面  
駝鉤都不下人影涼些

國香慢

爲吳子修題顧橫波畫蘭扇面同壽生賦分眉生  
二字爲韻

似畫修眉看不多幾筆葉葉離披秦淮煙輕粉澹自寫幽姿  
想見眼波橫處便紅妝季布輸伊多情只執扇辛苦流連露  
蕊唇波 傾城惟一顧記當年雅謔仙也須迷同心句好白

家  
獨柳同時底事歆傾落墨怕夕陽紅染胭脂還應足惆悵  
老去香嚴不與題詞

賣花聲

低髻約釵梁病不成妝  
唬痕已拭尚成行  
指點畫樓文杏好  
歸燕淒涼  
漸遠漸蒼茫  
鐙火漁榔  
暮寒想透薄羅裳  
只得  
一鉤微月影  
多少思量

續樂府補題五首

霜華腴

相子

暮林黯澹映晚江  
離離一樹初圓紅脫楓衣白欺梅蕊十分  
綻了霜天可憐翠鈿記當時樹下門前問何人曲唱西洲荻  
花蘆葉共清寒  
隨意水邨山郭任漁娃打取雀豹爭喧曉

色推篷斜陽倚欄還驚積雪留殘綺羅畫筵化光明一霎銅  
槃只愁伊易近風簾淚痕渾未乾

秋霽

澹竹葉

荒徑尋秋有一種叢篁自弄寒碧个字低分鈿花涼戰寸寸  
嫩寒如滴一枝一葉傷池漫帖玲瓏石更記得池外亂飛無  
數小黃蝶除是雨過淨埽浮雲暮天蒼然如此顏色笑長  
條牽牛翠浥朝來先怕日痕炙那似此君疎野格試覓籬畔  
正好藥錄收時藥籠攜采露華尚溼

瑣窗寒

蝸蝸

絡絲虎殘涼秋已到豆棚瓜架聲聲慢訴似訴夜來寒乍挂

筠籠貯風一絲水天兒女同閒話算未應輸與金盆蟋蟀枕  
窗罅見低亞簇幾葉瓜華露亭水榭胡盧樣小若  
箇探懷堪訝笑蟲蟲自解呼名物微不用添爾雅便蛇醫分  
與丹砂總露蟬同啞

京師人以胡盧貯之製極精好  
藏懷中飮以丹砂可養至十月

傾杯樂

沙裏狗

沙岸潮回水邨漁聚腥風幾日催發看伊瑣細何處斷港聽  
爬沙響別酒人能說未應誤讀愁他彭越涖枯試叩春酒暖  
雙眼一時波活高陽舊游星散阿誰憑寄須糝吳糟壓定  
笑指尊前膽孌難擘也無腸愁絕最憶松江鱸膾鮮雀一樣  
瓶泥坼

國香慢

煙草花

小朵娟娟簇微黃。澹白點綴畦邊。呼龍種來瑤草。疑是藍田。  
昔日游蠡。稚蜨幾曾見。如此芳妍。無人解。頻采薑稜芋陂。一  
抹秋煙。相思名字在算移根。海島已幾多年。花花縱好。葉  
葉更動人憐。無分湘筠玉指。倚熏鑪。噓暖吹寒。風前自開落。  
陌上時時。誤認花鈿。

高陽臺

寒竹同陸祁生作

石罅苔黏池心冰膠。此君尚倚高寒。一片瀟湘凍雲留。護琅  
玕。三更急霰才微響。已枝枝壓近紅闌。小檀欒花戶。油窗密  
坐聽殘。回思上番移栽後。迸春雷幾處。膩粉初乾。燒筍年  
光。急心又近。椒漿蘆簾紙閣。朝暾暖。惹檐前雀啁。爭喧。翦冰

紉纈不黃梅畫與君看

探春

次韻曹種水見贈卽題其儼古諸集

飛雪羣山翦江十幅天涯寒羽先倦萬貫纏輕二分月冷笑  
殺文章錦片除是同心侶解說與多愁多感彈來促柱危弦  
是誰呼起箏雁子建華年晚晚算甲子雌雄眞合愁伴烏  
觴低篷蠟缸刻燭短棹何時同返閒擬江淹體更試看柔豪  
頻染到及春前寒梅無數開亂

附原詞

曹言純

塵外誅茆病餘求艾文園初賦遊倦古道羊車曉裝駝褐  
還惹霜華雪片方是殘年了怎忍得空江離感艣聲搖曳  
沙頭幾羣南去飛雁卻笑相逢未晚有折腳鐺邊叉手

吟伴冰柱銷愁月橋乘興莫似山陰輕返何遜風流筆待  
準儼官梅香染信入燈花霏霏春意凌亂

清平樂

繡鳳仕女

低鬟斜鞦淺研吳綾妥喚作針神應也可一口紅霞濃唾  
秦樓煙月微茫當年有箇蕭郎到底神仙堪羨等閒不繡鴛  
鴦

洞仙歌

曹種水水南邨舍圖

谿雲罨畫住人家三兩時見當門曬漁網聽漁歌唱罷有讀  
書聲臨水處面面軒窗齊敞儂家魏塘屋水竹之間占取  
茆堂一分廣支港曲通船乘興能來儘緩打樵青雙槳奈一

笑相送各天涯。總讓與閒鷗。作煙波長。

祝英臺近

題孫華海惜花春起早卷子

繡簾垂。瑤戶悄。幽夢爲誰覺。不裏頭巾。幾偏曲闌繞。趁他人  
柳猶眠。海棠未醒。儘消受。月殘風曉。問曉鳥。昨夜風雨何  
曾已有落紅了。莫是紅闌偷折數枝好。試看香徑蒼苔露華  
濃處。怕先印鞦韆痕小。

菩薩蠻

顧升山畫蔬果十五種

東風欲破苔痕綠。輕雷一夜驚蒼玉。時節近櫻廚。何人餉老  
夫。新諳滄玉訣。小點吳鹽白。又是焙茶天。山家處處煙。

又



廢畦荒圃流泉泣一檐斜日鄰翁灌頓頓食花猪還須略配渠五湖煙水好可惜英雄老回首換年華春風雪白花蘿蔔

又

當筵脫手金丸小蜂黃易著麻姑瓜斜日洞庭帆也應喚橘官重來門巷改一樹垂垂在記得雪成團枝頭黃雀寒枇杷

又

清霜初點黃花瓦兔豪圓破檀雲藉香遠坐來微量沙淺護伊形容殊魁壘卻笑豐肌膩小盆栽根株誰傳種樹書楸

又

一繩界破秋痕澹荒荒野蕩波流漫坐箇小漁娃船身如缺瓜水天閒語處隱語相爾汝要見玉玲瓏紅衣褪一重水紅菱

又

粉痕不掩梨雲凍金盤素手投來重薄汗拭輕容有人雙頰紅  
皓香午枕透卯酒初醒後酒醒夢揚州揚州舊酒樓

木瓜

又

蝸牛廬外連畦紫擔頭壓處喧朝市一笑謝廚爨飽嘗風露  
香當時花滿地色與輕衫似轉眼又秋光悠揚小蜨黃

又

平生不負然糠火園收山藥同珍果隔岸有高荷秋來涼雨  
多岷峨殊遠在那不陂塘買生計更疏蕪今年飯豆無

芋

又

紅衣落盡星星見刺淩圓芡看都賤最好晚涼天賣時搖近  
船西湖秋老處唱徹雙鬟女莫道苦心多空房還奈何

蓮房

又

森森鶴頂愁輕觸臂支起粟皴紅玉結夏記山房微風淡隲涼指痕留一捻怕向鮫綃浥越女雪肌膚問郎曾見無梅

又

青房已拆珍珠罅金鰓臺謝忱初夏冰齒瓠犀寒芳名原帶酸檀郎閒調笑多子憐渠好低首入房櫳一方裙衩紅榴

又

平疇子母迎朝日東陵別見新標格破處幾沈吟可憐碧玉名水天同夜話逆鼻香無價插竹看登筵星期又一年瓜

又

紛紛誰見紅盞墮春槃常伴蘋婆果吹氣本如蘭非關一蕊含酒醒添病渴記取投時節纖核教還他夜鐙看作花攬

又

顯一抺紅霞暈吳孌小擘春纖嫩結子太恩恩關心昨夜  
風瑤池開落後海底仙人瘦青雀倘飛還因緣見阿環子桃

又

短籬瘦竹欹斜挂一棚慣響疎疎雨低戰數枝花秋來絡緯  
家其湯煎太急飽嚼珠明月小坐晚風涼盲翁正作場豆扁

賣花聲

題思未酒醒聽詩小照

桐葉碧悵悵小院輕陰月痕澹照第三廳貪卷疎簾風露下  
不點秋鐙樓閣對高稜招手還膺夜涼乘興我來能酒半  
詩成慵不寫念與君聽

又

題孫碧梧女士湘筠館樂府

小院碧雲停。花又泔泔。舊時珍件共閒庭。誰記迷藏花下事。  
蛺蝶蜻蜓。斑管費沈吟。哀怨湘靈。一弦一柱最悵悵。彈盡  
明光三十段。知有誰聽。

喝火令

許玉年有黃門之悼賦情悽戾自寫遺像屬題秀  
芬女士一詞最工輒同其調

鶴舞吳門市。鵲唳湖上墳。小桃生命短三春。腸斷蕭郎詩句。  
三月十三辰。墮馬鬟猶擁。回鸞鏡易分。殷勤留取卷中人。  
且與題詞。且與焚香熏。且與夜深人靜。釀酒喚眞眞。

懺餘綺語

吳江 郭麐 祥伯

卷二

、暗香

魂

玉妃喚月怕等閒忘卻。前生瑤闕。鶴背夜寒。此際千山萬山雪。誰覓胡香四兩。空畱得香桃如骨。試問與舊日孤山疎影。一時活。嗚啞古訣絕。便碎翦紙花。記得時節。故鄉一髮。江水茫茫恁飛越。判使巫咸不下。央素女低徊潛說。但只恐相見也。黯然又別。

、疎影

夢

今三亡矣。又見來脈脈。銕背屏底。道是相逢。卻又無言惜惜。  
自溫清淚。茫茫昧昧。怱怱極。尚病裏。耿耿情味。算向時。怨緒。  
歡情。歷歷只還如此。只是吳根越角。一千二百里。芳草無。  
際。澹月微茫。萬瓦參差。那認荒荒園子。真教不隔人天路也。  
勝似一生顛顚。說與伊。休返蓬山洞戶。悄然雙闌。

高陽臺

題樂元淑煙夢詞

荷露圓珠。蘭風回雪。空畱名字堪憐。才刻茗華。不知玉已如。  
煙。方塘無數田田葉。問青泥。何苦生蓮。擘吟牋。有客西江。愁。  
滿歸船。年來同抱司勳感。算傷春。刻意不似今年。芳草西。  
陵。爲誰澆酒花前。人間只有三分月。恨二分多照重泉。又淒。  
然。一个流鶯。相伴嘯鵲。

又

丙寅七夕

纖月藏鉤。羅雲學水。夜涼又是星期。竹插瓜分。當年一味嬌。  
癡笑他地久。天長意。換絲絲此恨無時。又誰知天上人閒。薄  
命如斯。星沈海底。繩河遠。話穿鍼心痛。擘細眉低。點點流  
螢飛來。還坐人衣。想應低度紅牆過。見妝樓。網徧蛛絲。可憐  
伊未卜他生。不算相思。

卜算子

微雨濕苔痕。階下秋花滿。有箇階前顚顚人。病起和伊看。  
又是一番秋。只是無腸斷。畱得當年顚顚人。也不恨天涯遠。

臺城路

爲江子屏題蟬柳畫扇



世間何限秋風客。哀吟爾偏淒。緊瀾岸魂銷。齊宮夢斷。點入  
輕羅小景。纖纖瘦影。照病葉殘枝。抱來難定。寂莫騎人。平蕪  
千里。故園冷。乘鸞秦女底處。網蟲從徧了。空認雙鬢。蛻後  
仙衣。收餘寶釵。一例漂零。誰省。嘯雅露井。只落葉聲中。獨敲  
孤枕。欲訴琴心。暗塵埋廢軫。

夜合花

見玉簪花有作

雨浥苔英。風彫荔佩。感秋秋思頻添。牆陰瞥見。枝枝小玉排  
籤。露痕泣日。痕遲只多情。低照涼蟾。更無人肯。苔階濕徧來  
搔春纖。尋常粉印先霑。付與冰蕘淺貯。素手輕拈。薄寒漸  
緊些。時尚未開。簾雲鬢重。蜜犀嫌記當時。一味慊慊。最難忘  
是通頭過了。鵲到前檐。

摸魚子

樗園客感

任悄悄竹陰滿院。苔痕長自疑雨。回廊小徑無人到。坐過一番闌暑。秋又暮。便早有寒蟬四壁催機杼。羈懷何苦。付破研淡杯。微吟淺酌。元髮變衰素。江湖約負了。銅駝俊侶。蕪城枉說能賦。文章信美功名薄。已誤昔年小杜。休再誤。問買取扁舟一棹歸何處。滄洲紅樹。認小小柴門。門前秋水。幾箇舊溫鷺。

浪淘沙

歸燕已差參。何處疎砧。天涯蕉萃旅人心。開到芙蓉無限好。只是秋深。推枕起沈吟。小簾輕袞楓根。可奈薄寒侵。又是一宵簷外雨。到曉沈沈。

點絳脣

病酒心情亂。愁壓夢濃於酒。曉雅聲驟。一晌歡情勾。枕上  
嘔痕覺後依然有。還知否。蚊幃如舊。少箇舉幃手。

高陽臺

水盼凝秋。煙眉鎖恨。披圖那不神傷。水精簾卷。犀梳猶帶餘  
香。畫工縱識春風面。恁調鉛寫出愁腸。記年時。錦瑟桃鬟都  
似伊長。尋常一晌閒言語。到而今。總費幾徧思量。百就千  
攔。自家暗減容光。潮痕兩頰生朝暈。恨當初。薄有疎狂。祝秋  
墳。休長薜蘿。怕上牛羊。

金縷曲

席上贈阿許

燭暈華筵半。怪琵琶抱來不正。聲聲悽怨。座上飛瓊傳姓字。

曾識舊家仙眷。量十斛珍珠偷換。過眼穠華。昏似夢。臙流鶯。  
老去。唬秋苑。垂玉筍。淚痕滿。天涯有客。停柁歎。算人間。古  
來多少。桃笙團扇。失路才人。孤憤客。一側青衫淪賤。只哀樂  
中年難遣。試琢新詞。能譜否。怕一聲裂帛。鴟弦斷。將進酒。莫  
辭勸。

祝英臺近

髻堆鴉。眉學字。未滿十三四。綽約春風。先解折花戲。不妨樓  
下。迷藏。尊前捉搦。總同在。曲屏風底。夜來起。不知誰殺殘  
鐙。小膽破。濃睡。嬌極鸚哥。偏管隔簾事。奈他澹月。縈窗暗。螢  
穿戶。又悄地。逗人懷裏。

又

朔紅。可。尊枉渚。別權理南浦。挑盡蘭釭。夜夜夜深語。分明月

魄沈輝。霜華催曉。坐一對素娥青女。送人去。還要芳草長隄。同印小蓮步。蹙繡香輿。淚隔碧紗雨。記否寶石山腰。亭亭白塢。是第一度分攜處。

又

玉鞭迴鈿尺近。幽蝨逼香潤。作意生疏。比似舊時省。只憐已隔紅牆。牆東月上。都不是那般花影。曉妝竟閒來。還伴緇書喚坐。喜邊肯出。匣冰圓。認是內家鏡。偷看荷背。翩翩鴛鴦情顛倒。又無語。頰潮紅暈。

又

楚妃愁。湘女怨。淡巷舊巢換。玳瑁梁閒。海燕占來半。生憎一片簾衣。不風不雨。但鎖日周遮人面。有時見也。只倦繡停鍼。妝罷響金鈿。多謝好風。夜靜送刀翦。如何葉葉花花。相當

相對只遣隔中門雙扇

又

鬱琴心寬帶眼薄病得伊感銀鹿青援那肯夜淡伴難忘窗  
網將明瓶笙猶響鐙影裏翠眉微倦五更短暗祝海水添  
他玉漏一宵緩此後關心私語有時敢不防六幅仙裙畱他  
未穩早已是皺痕都滿

又

玉壺迎金犢駕催赴紫鴛社瓊姊蘭姨遽別詎能捨料他月  
榭修眉雪衾擁背全不記夢殘香燼報歸也聽說多病文  
園玉骨不盈把一笑憑肩青鳥信音假可應翦燭溫存圍鑪  
暖熱且償我鄉來長夜

又

檢書寫。攜畫燭。衣潤怕梅濕。初試生綃。無力出新浴。殷勤半  
殘春醪。祝花長命。渾不料。霎時積玉。忍輕觸。爲怕窗隙風  
尖。容易颭。幫幅斜掩。金鋪小犬吠。花獨可憐。從此心忪斷。無  
人處。誤幾遍。拂簾蝙蝠。

又

腕闌鬆。眉黛結。幽恨幾曾泄。冰雪心腸。肯怕隴鸚舌。更煩小  
玉眠時。輕綃去後。畱一點。闌人明月。太癡絕。假饒長夜如  
年。曉色慘將別。守定熏鑪。坐到滿鑪雪。尚憎阿母朝來梳頭。  
喚起已亭角。夕陽紅抹。

又

月圓初。鐙落後。佳約敢輕負。笑拂征衫。春雪點衣厚。儘教女  
伴猜疑。小眉秀鬢。都不似向時。僂僂。定來否。人生如月華。

年一缺那能又千徧沈吟三字莫須有請看束竹回腸香桃  
瘦骨換幾點裏邊紅豆

又

斷魂驚殘夢惡花事到紅藥中酒傷春比似去年弱無端半  
幅蒲帆一聲杜宇又催去水邨山郭笑騎鶴明月原只三  
分都應照離索小杜年來何忍更輕薄惟餘叩叩香囊藏來  
肘後待相見替伊親絡

又

雁飛遲人病早幾度促征棹誰料長卿石井掩秋草負他密  
字蠶眠芝泥鴻印空望徧片帆煙杪鵲媒巧肯信不嫁娉  
婷已分十年了何用錢刀刻意媚翁媼還虧百斛量珠一雙  
種子也博得傾城微笑



又

遶香臺移鏡檻。六扇小屏展。研匣鍼箱。分半貯來滿。那時賣  
賦金多。爐頭價貴。也未要鷓鴣頻典。意淡淺。試將酒卜郎  
心。寒宵倩伊暖。夜冷杯殘。一霎近人散。而今淒絕天涯。醒然  
無寐。便有酒也無人勸。

又

倩風姨憐月上。珠露記承掌。認取前因。此意料無恙。驚心子  
夜歡聞。同聲婉轉。已變了回波詞唱。漫惆悵。人閒幾個尹  
邢。蛾眉肯相讓。畫裏櫻桃。愁裏小蠻樣。尚憐鏡鵲同開。釵蟲  
對剔。還略似舊時情況。

又

藥鑪煙相對。晷淡院晚風峭。塵滿菱華。一月幾曾照。愁他蟬

枕香雲。釵扶不起。又何論。遠山蛾掃。夢顛倒。尋常銀液。犀  
株不鎖。暗魔嬌。雛樣青衣。所事被花惱。關心嬌喘沈時。暗眸  
迴處。怕莫又喚江郎覺。

又

掩啼珠。扶瘦玉。喚渡曲江曲。綃袂纖鞋。腰細不勝束。枉教疑  
作江妃。淩波解佩。誰信有亂愁千斛。在空谷。無柰日暮天  
寒。零落去華屋。紅鬼西陵。夜雨杜鵑哭。傷心逝水滔滔。當時  
同渡。卻雙槳歸來人獨。

又

事三生。魂一縷。此錯幾州鑄。肯放扁舟。若箇勸無渡。倘教玉  
在懷投。香和心蕤。萬一把遊仙畱住。恁來去。爲甚清映聲  
中。都無片言語。尋到荒山。風急又兼雨。斷腸點點青苔。方方

黃土又埋了。一家嬌女。

又

短檠昏。淡院閉。簾影黑垂地。小擘吟箋。暗記夢中事。可憐放  
筆聲中。挑鐙影裏。還認有箇人無睡。應難記。縱饒記得星  
星有頭也無尾。自恨從前。恩怨總輕視。判將一寸絲腸。一宵  
霜鬢。報幾番。唾壺紅淚。

采桑子

尋常侍寢更衣處。鐙影紗籠。羅幕重重。略近前時面發紅。  
月明雨落無人覺。侍婢都慵。幫褶惺忪。香棗何勞問石崇。

卜算子

階下綠薔薇。架上紅鸚鵡。忘卻窺簾尚有人。攜手潛來去。  
輕試踏青鞵。暗躡凌波步。不道回頭別有人。信口相儂汝。

意難忘

箏語琴言約羊燈照影鳳紙傳牋天穿逢令節月滿記芳年  
人定後夢來前難道玉如煙正峭寒春風催曉紅淚涓涓  
輕綃製就中單認蠶黃蜨粉花落先黏鵲嚙畱恨五獺隨助  
香瘢金篦鎖鈿筐緘珍重一春殘肯竝他絲羅裙帶水上同  
湔

更漏子

杜蘭香羸弄玉一例仙家眷屬錦瑟短玉簫長何曾作髻忙  
月蠟燭花醋醋時節近來重五沈醉後錯相呼畫簾聞鷓  
鴒

洞仙歌

初三下七愛共蘭姨戲二八華年滿除四拜鍼神修笛譜步

步教隨婉婉甚也算齊心耦意揚蛾憎衆女謠詠紛紛池  
水干卿定何事聯臂舊時歌變了歡聞重來後贏得大家顚  
頓若不是當年見猶憐肯繡被分教伴鴛鴦睡

河傳

花顚鐙淺移來屈戍小屏深掩屏閒鷓鴣一雙栖東西兩頭  
蓮葉齊麝熏未肯閒孤鳳梨雲凍好做同牀夢夢忽忽帳  
重重芙蓉淡紅和淺紅

沁園春

無分今生何似當初相逢漠然卻雛鶯乳燕見伊小日飛花  
落絮送我中年玉淚珠噉紅愁綠慘便是無情亦可憐誰知  
是有心頭暗恨記也難全那回款語鐙前似密意淡情略  
爲傳道枝名連理種原無地禽名共命修到生天三素雲輕

六銖衣薄。定在寒簷瘦影邊。還能否。撥齊煙九點。來照孤眠。  
行香子

子貞月夜登小香雪亭作畫屬賦

孤榜清遊。烏帽籠頭。問招來幾箇閒漚。沿洄撥棹。窈窕尋邱。  
有三分水。二分月。一分秋。平生最憶探梅。踏雪虎山橋。墻  
影香浮。而今重到。怕減風流。少舊時人。舊時月。舊時愁。  
霜天曉角

題吟香女子小影

綠萼開些。拓當風畫紗。窄地退紅衫。薄恐小立冷於花。鴉  
叉新挂。他問姍姍。是邪說與吾家。窗下有竹外一枝斜。

湘月

題子屏填詞圖

石木槎几正蕉陰綠暗雨過如沐漸入涼秋合料理舊日哀  
絲豪竹鬢影琴邊箭修月底試與同聲讀江郎宮體譜來總  
是新曲憶否小住名園偷聲減字刻尊前紅燭協律微茫  
怕誤了多少詞流毫禿滑笏牋長翻香令小薄有花閒福何  
時歸去記歌念取人獨

桂枝香

中秋有感

姮娥不嫁問終古淒涼可記長夜未必青天碧海便無情者  
一年十二回圓闕恁今宵淚痕盈把那堪還又歌闌人散夢  
殘鐙炮想妝閣夜香燒罷看珠斗闌干檐角低挂有日雲  
鬟霧鬢照伊清話人閒小別何須恨恨沈沈青楓根下步虛  
聲斷霓裳曲破此生休也

玲瓏四犯

玉年以元人雁宿蘆花雅宿樹各分一半夕陽歸  
句爲圖極蕭寒清遠之致爲題此解

樹老易風蘆荒疑雪江邨物候初冷夕陽無限好又是黃昏  
近昏昏四山做暝但催他亂雅成陣更著蒼茫一行征雁嘹  
唳助淒緊天涯孤客閒省記菱根振柁沙觜維艇小奴驚  
欲起點墨濃初定江湖有夢何曾熟算還是眠鷗差穩笑指  
橈頭船問載歸定肯

綺羅香

姑嫂餅

屑麪輕勻搓酥滑潤傳自香閨新製樣學桃花小印脂痕紅  
膩想曉趁戛釜時光正嬌伴扶牀年紀全不防腸斷行人垂



延光在下風矣 橋梁臨水堪認道是蔣家妹小食單親試  
作罷羹湯纖手入厨重洗笑曲譙畫地虛名愛齧脣頌椒風  
味莫教恁說與彭郎況寧王宅裏

桂枝香

屠墳秋鳥

荒林落照認宰樹蒼茫一羣驚噪纖繳鳴弦已有弋人尋到  
陶邨馬蹕披緜好算總輸酒邊風調蜀薑鳴釜吳鹽點雪櫓  
瓶開了 問何事輕離海嶠有淥衣同戲紅椒堪飽萬里頭  
顛來博尊前人笑雲羅滿地西風早想江湖羈雌多少料應  
夢斷蠻天一角暮煙孤島

雪獅兒

茗玉女士輯銜蟬錄隸事極博高邁庵爲作子母

衙蟬圖索題此解

粧樓記就知是無聊深沈院宇側輾轉眠亭畔花陰剛午繡  
墜小住誰教見花奴戲舞更貌出薄荷酣後雙睛圓處門  
外珊瑚休去儘香溫茶熟小名錄取簪裏青盞差有殘書煩  
護癡兒騃女笑一例蟲魚箋注應知否合伴畫檐鸚鵡

長亭怨慢

瞿花農分司相見西湖出王蓬心太守漢臯贈別  
圖見示有二娛題詞輒依韻倚聲

笑又是閒雲離岫西子湖邊相逢杯酒漢上襟題回頭已是  
廿年舊漫郎渾漫應未要稱聲叟對畫裏江山話昔日回颿  
風候還試問吳根越角可似武昌樊口扁舟容與且消遣  
雨後風倦趁嬉春老鐵能狂煩鑪畔諸公屯守指點傍西泠

一萼青青新柳

柳色黃

於越中買新鶯一雙戲爲詠之

曇曠邨邊春水方生短襦初逼書生家具無多隨意一籠攜  
得滄波亂眼送人千里歸來門前新柳嬌黃極還怕惱比鄰  
浴邠家池側無力鷗羣閒趁曬翅魚梁伴他鷓鴣老矣傭  
書不羨東堂行畝小樓臨水難忘雙髻樓頭排成玉管參差  
立彷彿凭闌干見袖羅顏色

乳燕飛

送蔣淥初之臨川

一例天涯客怪相逢推襟送抱似曾相識西子湖頭長安道  
十載恍同遊跡偏勞燕差池雙翼不信將軍門下見有此君

蠻語余長揖同握手章江側 齊年四十初過一看紛紛當  
時同學輕肥顏色雁鷺行中紙尾署也勝白頭射策便詞列  
三王何益玉茗堂前煩問訊屬海雲留取通仙笛曲有誤顧  
應得

水龍吟

江右旅館喜雨

疏疏幾陣涼颼颼然便送敲窗雨樹梢流響草頭顛影霎時  
無暑一片濃陰多應來自西山南浦料天公也厭炎官火繖  
怕困損人羈旅 惜少高荷大芋展桃笙醉眠聽取紅綃初  
浴碧簪斜墜枕痕留午小扇輕衫知他此際倚闌何處向畫  
屏十幅瀟湘天遠夢尋伊去

浣溪紗

寄內

一別無端半載強。輕船三版整歸裝。可憐蓬背已微霜。月  
榭鎖魚鰥。永夜風簾蠟鳳淚。雙行不成還道不思量。

疏影

燭淚

珠號玉泣。向畫筵深夜。相對愁絕。今世紅紅宿世蟲蟲。生平  
最惜離別。風簾露席。隨升降。判滴滿爛銀荷葉。算芳心未是  
灰時。肯怕界殘紅頰。便與籠紗護取也。應護不到將地時。  
節苦憶高樓網戶。瞳眴照見粉痕明滅。羅襦低解。聞薌澤有  
誰問。堦前堆積。只淒然擁髻人人愁。浣石榴裙褶。

憶舊遊

酒帘

記絲楊漸晚。文杏初明。一見關心。似與東風約。看斜斜颭颭。  
先得春情。隨意水邨山郭。倦旅爲伊停。正解佩人來。提壺鳥  
喚。好箇旗亭。阻風原不恨。恨俊侶高陽。多半漂零。還向壚  
頭去。認低窗高柳。是處曾經。只是風前半幅。不似舊時青。試  
閒立平橋。前谿煙雨深未深。

聲聲慢

闌干

苔堦恨淺。竹逕嫌深。虧伊屈曲周遮。背手微行。湘痕紅出明  
霞。沈吟碧城十二。問那邊庭院。誰家。閒付與瓊瓏澹月。低亞  
疏花。嘗恨當時夢裏。枉等閒敲徧。沒處尋他。歸去恁恁斷  
腸。一角天涯。幾番畫廊癡立。認有人鞦韆東來耶。渾不見。但文  
窗深掩絳紗。

如此江山

香篆

何人斜掩屏山六。簾衣又深深下。小炷微紅。輕絲漸裊。靜看  
縈窗尋鱗。尖風易惹。恨剛結心同。又吹煙燧。一縷柔腸。分明  
宛轉爲伊畫。湔裙水上猶記。博山鑪俱過。前約都謝。羅帶  
輕分。銀槃愁寄。難翦夢雲盈把。熏籠倚罷。對鐙影離離。悄無  
言者。手撥餘灰。隔窗梅雨灑。

小樓連苑

簾波用蘭卹韻

後堂前閣空明最深處。溶溶地龜紋半蹙。駝鉤不上一絲  
風。細月地雲搖苔堦。潮轉欲垂還起。怪驕獮睡醒。離巒行到  
都驚道。花枝碎。隔著樓頭廊底。幾曾隔粉香脂膩。只是陳

王通辭難託湘雲。湘水便有時開見。伊窰地。畫裙斜曳總生  
憐。俊眼將流流不出相思字。

風蝶令

和相霞韻三首

煙視雙行近。蘭情一見稀。入懷嬌鳥向人依。只覺愁多意重  
語言微。手裏題詩筆。牀前織錦機。蘇娘謝女是耶非。難忘  
一燈明處兩眉飛。

又

漂泊年華小。周防用意深。鴛鴦翡翠定珍禽。誰信單棲無侶  
到而今。湘影重簾認。霞光斷臉尋。兩頭裙帶盡同心。知否  
一尊相屬意千金。

又



誓恐旁人聽。情原我輩鍾。別時莫恨太匆匆。肯許名花移入別家紅。病定春來較。人終月下逢。祝他二十四番風。取次送將帆。葉五湖東。

買陂塘

十二月五日三衢道中

怪吳舸。看來葉小。載人愁重如許。阻風聽水年年慣。不似者番淒楚。臨別語。約消夏。筵開定。不過闌暑。歸期屢誤。又二九時光。一千里客。未半到家路。閒情賦。更惹新來怨緒。故鄉鷓鴣相遇。遠山不作。恁恁別。肯作鏡中眉嫵。語更苦。怕病蕊嬌花難待。春風主。亂帆無數。誰信有中間。烏篷一扇。兩地夢來去。

夜合花

燈花寄湘霞

善恨蟲蟻含情蠻女多生半是嗔痕相思一寸灰心又長情  
根玉釵冷玉荷溫囑雛鬟掩上重門只愁無睡對伊絮語銷  
盡痴魂 江湖孤冷誰親多謝一尊酒淥相伴溫存殷勤低  
祝並頭開出蓀蓀有何事報伊聞道歸人已近家邨不知今  
後照他擁髻幾箇黃昏

一枝春

王清閨女史畫簪花仕女用草窓韻

一鏡春痕誰喚起多分敲窓微雨心期細數殘夢恨無頭緒  
幽蘭空谷渾不省杏憨梅嫵但折來認取同心又惹兩眉愁  
聚 年時送人行處記新梳叢鬢嬌歌金縷眉山漸遠十樣  
畫圖誰譜菱花側背料怕有箇中人妬還怕有雛鳳釵頭聽

人小語

醉太平

石敦夫曉風殘月行看子

曉山欲青曉烟未橫一帆早挂郵亭問何人曉行  
蓉城曼鄉屯田柳生一生幾箇黃昏又今宵酒醒

疏影

惺泉浮香樓圖余舊爲作序并詩今相見於吳門  
正當梅花時欲歸未得復爲倚聲作此不知有槩  
於中也

生香活色記舊曾相約短棹遊歷認是西溪千樹梅花無人  
管領煙月故家臺榭知何處有野鶴暫歸能說見當時二老  
風流間倚畫欄清絕同向江湖流淚欲歸那便肯如此蹤

跡江北江南。銅井銅坑。過了試花時節。人生但有三間屋。便無地種梅也得。問何時深閉柴門。臥穩故山風雪。

邁陂塘

爲莊栳堂題其尊甫遺照同二娛調

好煙波憑誰買。斷魚陂千石。潏泮。四先生里。家園在。隨意卜居無恙。濛濛想便不載。簞簞也號谿翁長。綸竿一丈。已付與兒郎釣鰲身手。老子任疏放。人間世。齊物養生都妄。騎鯨人又長往。披圖不見南華叟。秋水拍天新漲。添悵惘恨。惠子來遲。無與微言賞。孫枝競爽。看石上珊瑚。掌中海月。次第出絲網。

瑣窗

腐齋窗閒見金絲花架。一股知爲閨中物。先是此

閒彩雲曾駐凝想芳澤雜以遐思邀楊浣薌同作  
花落辭枝珠空賸匣是誰留取粉褪香銷轉更帶人淒楚想  
當時曉涼妝罷小鬟纖手穿無數有紅絨替約素馨分配鏡  
臺斜覷人去彩雲駐向花戶油窗拾來愁緒金絲幾縷也  
還勝同心釵股得知他又側著髻兒明珠翠羽遊何處鎮無  
繆細撚閒吟背燈深夜語

唐多令

卷篋仕女

釧盒掩著金縷露玉纖想妝成初到前檐驚地回頭思舊  
夢渾不似昨矜嚴小院曉風尖羅衣卸又添記當時總恁  
慙慙留得小脣和秀靨判長隔一重簾

憶舊遊

題薝蔔與鷗爲客置用夢窗體

此生何所似。似鳬雁啞啞。水爲家。江湖夢偏穩。青山斷處。一片圓沙著箇風標公子。海客肯來耶。問如此陂塘。定應相識。莫又天涯。芙蓉好。湖水儘烏榜。洞沿白袷。欹斜欲逐鵝鴻去。有雲羅萬里。界出明霞。松陵舊盟。寒未雙鬢已。髣髴且與醉西湖水。仙廟外。開蓼花。

高陽臺

文孝坊偏。百弓地小。舊家容易遯流。叢桂山邊。淮南雞犬曾留。營門細柳如絲碧。記禁條才拂人頭。更移舟。黃胖泥孩。閒話春遊。前塵如夢都難忘。況驚殘楚雨。想到秦樓。去燕空梁。此中無限春愁。而今零落知何處。對孤山夜月香浮。官歸休。一幅生綃。環佩聞不。

月華清

靈芬館前晚桂一株已藥未華夕露晨飈傾佇良  
久念將遠遊恐不能待詞以催之

簾卷涼天葉明月地當時試花曾賦偃蹇淹留暑與小山爲  
主數年來幾度中秋已半付天涯羈旅容與待寒金粟綴嫩  
黃蠡注爲底銀屏深悄費似水尖風似珠涼露寂寞姮娥  
愁損葉兒眉嬾想夜來碧海青天定見我舊叢延佇知否便  
能簪鬢髮鏡霜如許

洞仙歌

題高穎樓孫秀芬額粉庵聯吟卷

有情天上住一雙珍偶才膠冰絲玉琴奏看琉璃匣啟玳瑁  
簾開新妝竟更費侍兒纖手芙蓉當霧夕得意何郎卻扇

詩篇在人口。竝坐壁。蠶牋如鏡。湘湖照夢裏。筆花開。又怕額上粉痕。未曾乾。早羅襪花陰一詞先就。

買陂塘

富陽道中見烏桕新霜。青紅相間。山水映發。帆檣洞沿。新岸野屋。皆入畫。繪。竟日賞翫。不足詞以寫之。

繞清江。一重一掩。高低總入明鏡。青要小試。嬋娟手。點得疏林妝靚。紅不定。襯初日。明霞斜日餘霞暎。風帆煙艇。儘悶拓窗櫺。斜欹巾帽。相對醉顏冷。桐江道。兩度沿緣。能認者。同剛及霜。訊蕭閑鷗侶。風標鷺笑我。鬢絲飄影。風一陣。怕落葉漫空埋卻。尋幽徑。歸來重省。有萬木號風。千山積雪。物候更變緊。



憶舊遊

嚴瀨道中偕壽生同坐船頭倚聲歌此幾欲令四  
山皆響也

正風開帆葉雲擁山根又涉奔龍合沓羣峰出似千屯冀馬  
高步臨江江水彎環碧玉流影去淙淙算如此江山舊曾相  
識者箇吳艤船牕喜同眺問畸士東京遺老南邦突兀高  
臺外賸紅衣一樹楓臥空腔晞髮披裘都往斜日下漁缸但  
極目寒煙滄波白鳥飛一雙

菩薩蠻

鄰舟有見

衫痕翦取秋江碧袖羅紅繡雙鵲羈山遠澹微茫蛾眉滿鏡  
長爲誰同作客愁水愁風極野泊不勝寒錦衾斑復斑

行香子

安仁道中

灘緩波柔雲薄風收小春天客卸征裘舫舫一曲聽我吳謳  
正雁南飛山北折水西流白鷺汀洲黃葉沙頭比江鄉一  
樣清幽他時歸老若此何求只要山田要水碓要漁舟

洞仙歌

爲敬園題女郎三喜小影

毘藍風緊墮諸天花蕊三界人天共懽喜正華年月滿薄命  
雲輕珠一顆剛照弄珠樓底東湖流不盡香艸相思有箇  
離騷舊苗裔佳約踐難期一幅生綃倩留取畫蟬雙髻記桃  
葉儂曾渡頭逢要寄與東風那時衣袂

月華清

題蘭邨倉山話月晷

水閣鐙殘地樓鈴語一丸涼月初滿幾箇秋人坐得六朝山  
澹只消他隨分琴尊且話取露濃風軟三歎記昔年翬屐風  
流雲散 尙有彭宣老去 蓉裳 指是處亭臺那時弦管重譜  
霓裳也恐羽移宮換料素娥不解窺人定未識少年清婉歸  
晚怕故山猿鶴恁啼幽怨

賣花聲

莫愁湖秋泛

遠水涵員沙樓隱紅霞石城艇子小能攄閑向六朝山影裏  
去采蘋花 衰柳幾絲斜風帽低遮舊時俊侶各天涯何似  
鬱金堂上燕長傍盧家

紅情

蘭雪蓮花博士曷爲淥春女史作

花爲四壁。看水雲砌就。琉璃宮闕。有箇玉人。顏色與花畧無  
別。吹皺平池萬滌。教先向春波偷立。笑隔浦。廿六鴛鴦。癡妬  
定。悉絕。耶耶。去未決。且小住橫塘。並帶雙折。鷺漚伴侶。半  
面頻闕也。應得。可以南園老去。認照影。鷺鴻都隔。待樂府題  
補了。聽伊壓笛。

懺餘綺語卷二終

爨餘詞卷一

吳江郭麐祥伯箸

仁和許增邁孫刊

河傳

茶蘼

題碧梧女士  
畫扇六首

春晚人倦起來遲。額角輕黃退時。二十平四番風信吹絲絲。  
枕函殘夢知。入骨甜香濃似酒。簾卷後。小試折枝手。步池  
塘。過回廊。恩忙鉤他宮裏長。

清平樂

紫丁香

團香蹙繡一剪春風皺。十索新詞渾未就。贏得丁娘消瘦。  
芭蕉不展微陰。含豪幾度沈吟。付與閒愁百結。不成沒箇同

心

南鄉子

茉莉

小玉雪肌膚。道是珠孃道是吳。一種卻教儂艷羨花奴。得做  
船舷見彼姝。綺夢半銷除。振觸閒情尙爲渠。記得夜涼人  
睡醒。紗幮愛問雲鬟墮也無。

憶秦娥

秋海棠

秋如水。露涼風細添顚顚。添顚顚。何曾得似那時濃睡。一  
番薄病扶初起。爲伊立向空階裏。空階裏。亂蛩殘月冷清清  
地。

洞仙歌

落梅

人間無地著春愁。千斛一夜東風與埋玉。算玲瓏鎖骨。葬向空山也。勝似蚤蚤安排金屋。招魂來紙上。斷粉零香。猶是眉閒舊時綠。莫道不相思。點點啼痕已漬滿。輕綃十幅。待夢到西泠去。尋伊。怕別院樓頭。又吹橫竹。

浣溪沙

蘭花

髣髴銅餅見露苗。疏花嫩蕊澹含嬌。湘江清淚滴春潮。豈有心心同婉變。并無葉葉助風標。斷腸一集是離騷。

臺城路

和蔚堂題楊白花詩意卷子韻

不勝淒黯江南夢。濛濛慣隨春去。水驛波寒。山亭風緊。身世



有誰爲主迷離如許。記曾向長隄那邊呼渡。一帶絲楊。滿  
不是舊時路。紗窗才拓。幾扇只捲簾人起。初見飛度。燕子  
關心。伯勞偷眼。尙有流鶯相訴。東風辛苦。問吹皺池塘。送伊  
何所。打槳蘋洲。和儂漁。遂譜。

憶舊遊

滄嶼園故址

見蘆芽抽碧。菜甲攪青。柳綫搓黃。路轉荒城角。牘彎環。漫水  
圍生陂塘。著意瀾瀾。冶冶分綠上魚石。想盪槳船歸。滿幫人  
去。留下波光。中央儼孤嶼。是平遠江山。鷗鷺家鄉。小立斜  
陽裏。指斷霞明處。昔日紅牆。塵世幾堪俛仰。隨地有滄桑。待  
菡萏花時。還招野客乘晚涼。

行香子

題小迂畫扇送老薑返揚州

蠶老柔桑鶯老垂楊。又匆匆送盡春光。送春送客同在他鄉。  
乍月朧。麗雲澹。澹雨浪浪。豆莢初嘗。芍藥能香。有人人正  
夢。維揚。勸伊小住。弭棹橫塘。待櫻桃爛。梅子熟。枇杷黃。

齊天樂

眞州見杏花盛開

江南何處無煙雨。先生者回歸未。淮浦颿收。揚州夢破。墮入  
紅雲隊裏。烏篷搖曳。早樸樹灣頭。一旗酒蕢。廿里天桃。愁春  
未醒。尙濃睡。江湖載酒無端。笑梅花開過。猶自留滯。今日  
重三明朝百五。又見老烏銜紙。樹猶如此。銷燕燕鶯鶯。幾番  
身世。賣到樓前。曉妝人定起。

柳梢青

子貞招遊湖上題酒家壁

如畫春城乍寒暫暖似雨還晴梅萼將飛桃枝欲放柳色才青  
良時令序難并算者度韶華有情昨夜初三今朝寒食  
來日清明

瑤華慢

小金山梅花欲殘香雪猶浮動山水閒

煙痕乍禁禊事初修尙薄寒時節雙槳掠波已喜得橋外水  
光先活香南雪北賸一片冷雲明滅想妙高臺最高寒未有  
玉人輕袖獨欹烏帽來尋認月觀風亭步步幽絕清遊較  
晚早滿磴落英如積斜陽澹處又鉤起二分新月任隔牆梵  
放催歸未許翠禽啼歇

憶舊遊

過揚州未得尋樗園悵然作此

又煙花三月浩盪扁舟來問隋宮。不待珠簾捲向管絃聲裏。  
別去匆匆。記得舊巢痕在。禪榻占春風。有竹影便娟。荇花妍  
媚。桂樹丰茸。於中多好事。會歌邀子夜。曲懊吳儂。酒人兼  
狹客。愛翻香令小。減字聲重。一點綠毛幺鳳。容易傍梧桐。問  
今度桃花。何如昔日人面紅。

夢橫塘

糧艘浣衣女郎婉賴可念感而賦之

文魚銜尾綵鷁排頭移來一痕波。輒小小窗。霽正雨過筠簾  
齊捲。越紵裁前。吳棉圻後。停鍼人倦。趁洗頭盆。好蘸碧。按藍  
猶憐。取餘香染。知伊住近橫塘。有機中。素織石上。紗澣。髻  
綰拋家便。一任絮萍漂轉。算直北風埃。撲鬢只恐羅衣暗。中

夢食言卷一  
換弄暝天光。柰樓晚飯。想心情都嬾。

一翦梅

贈荻君

夾轂相逢問狹斜。樓上琵琶。門外枇杷。風吹多少肯來耶。臣里東家吳苑西家。澹澹藤蘿。映月華。好片圓沙。好浣溪紗。鴛鴦頭白記些些。不是楊花。不是蘆花。

貂裘換酒

題小農停杯顧曲圖

宛轉提壺喚泛觥。船百分一棹。花滿酒滿。絲竹中年須陶寫。隨分玉簫金管。有兩兩蟲蟲燕燕。薄醉不消判茗芋。已研羅裙畔。春寒淺。綽板促。急觴緩。廿年前事韶華換。又相逢。甕邊捉卧。依然酒伴。後院綺筵休著我。杜牧狂言原慣。早猜出

護花人面嚼蕊吹香了。無悞問檀郎何事頻回看。浮大白莫辭勸。

買陂塘

雲臺先生寓京邸時有小園太常寺仙蝶嘗一再見之花前舊藏董文敏詩筵有蝶夢之句因取以名園且繪爲圖而裝詩筵於前摹仙蝶於後屬賦算王城萬人如海惟餘傲吏能隱。阜城門內岡南畔尺五去天差近。花成陣。仗廿四番風次第催芳信。廊腰井吻有芍藥亭欹。荼蘼架重。容易落紅。權容臺叟便面銀鉤。借印墨痕如此芳潤。漆園有道。羲皇上那屑六朝金粉。頻問訊。識此客人間不羨。未衣引圖書經進。好平地歸來小園賦罷。黑蝶繞雙鬢。

高陽臺

病酒

似夢還醒將眠又起今朝直恁無聊未展屏山帳紋時動冰  
綃數聲啼鳥驚人覺已慊慊紅日花梢喚茶甌眼花微搓舌  
強須澆天涯沒个閒消遣況故人重見俊侶都招雪白花  
紅那禁物色相撩元龍豪氣隨年減算而今祇讀離騷計行  
程私祝江風莫阻歸橈

鵲橋仙

留別荻君

鷗侶同波秋心比潔野水荒灣愁別多應石上有前期又墮  
我一丸蘿月莫是潯陽夜來送客醉貌略如楓葉天寒日  
暮定相思判畫到爐灰成雪

水調歌頭

曼生屬題其大父魯齋先生釣鼈圖

陳登湖海士。李白地行仙。置身只合蓬島。九點渺齊煙。截得孤生之竹。綴以一丸明月。引手六鼈連。最好不貪寶。閒任老龍眠。螭坳立。熊軾畫。賦歸田。騎鯨一笑天上。披髮去翩然。今日繫舟山下。尙有讀書孫子。小割試烹鮮。待爾政成後。同放五湖船。

買陂塘

題種水圖用原韻

笑村農何曾學稼。釣徒或者堪憊。隨身但有閒漁具。那用鶴頭鴉嘴。如此水便都變良田。盡種長腰米。也能餘幾。要秫釀春醪。糧分瘦鶴花插百弓地。揚州夢中酒。阻風聊爾。灌夫



會畜爲弟王與余齊封侯老矣知無分亭長新銜魚計浮世  
事恨漁父湘纍不得同時醉埽除家累約一舸相從五湖許  
泛分取畫中意

原作

曹言純

宅清漳中央南北前賢軌躅難儼由拳城外誰爲伴鷗鷺  
招來沙觜畔白水拚羹飽菰絲香飯炊菰米田園賸幾笑  
兩槩緣流一篙蹢浪那有卓錫地形容頽無分登瀛畫  
爾家風漁父兄弟魚陂干石封侯等也乏計然心計身外  
事算儘付蓑衣獨速船頭醉閒情自累只笠澤編書費洲  
譜遂未了舊時意

風蜨令

題伯生香嬰室圖

館是童初築。山仍羣玉居。神仙何事最關渠。聞說三千玉女。  
盡知書。傳得嬋娟影。憑將樓閣圖。新宮一記待儂無。還要  
蠶眠細字。倩麻姑。

菩薩蠻

題雙紅豆圖

東風在手靈苗活。南園紅豆春來發。接葉更交枝。一雙雨小  
時。長真高閣好。閣裏人難老。記曲喚紅紅。芳名也愛重。  
買陂塘

題改七香少年聽雨圖

最銷魂。蕭蕭暮雨。吳娘舊曲。曾聽畫船。櫂轉花兒外。六扇窗  
紗紅近。眠未勻。任牽地香羅垂下。流蘇等。几枝鐙檠。照人影。  
幢幢屏風。曲曲容易卸妝竟。歡場好。只倚少年家。橫花前。

醉倒休醒。星星一點來頭上。便與歌樓無分。君也。行。更招此  
無家同住。清涼境。香鑪清磬。儘蝙蝠拂簾芭蕉繞屋。欹枕睡  
來穩。時有破山寺結夏之約

滿庭芳

題呂卿香蘅館圖

蘿帶飄煙。荔裳寒雨。高館儘好吟秋。楚詞課罷。容易畔牢愁。  
是處疏簾不捲。盪瀟湘。一片雲浮。閒行徧。芷畦蕙圃。隨意小  
勾留。前修思屈宋。美人香草。寄託深幽。便微詞多有。也足  
風流。好在桐花萬里。肯同他。顚顚江頭。只憐我。王孫游倦。歸  
思滿芳洲。

水龍吟

題曼生石門聽瀑圖

青天何處龍吟。濛濛吹出漫空雪。松濤萬壑。冰絲千縷。琴心三疊。洞口雲荒。山中鶴老。何來此客。想謝公去後。石門深鎖。留好景。與誰說。海上歸來時節。儘雍容閒尋風月。簫笳聲斷。箏琶耳洗。一時清絕。木葉羣飛。四山皆響。蒼然寒色。認跳珠濺玉。銀河垂處。有仙人謫。

聲聲慢

和慈仲坐雨之作

蓬蓬尙遠。浙浙將闌。濛濛不辨朝昏。汝南雞好。虧他猶記蕭晨。硯池一泓殘墨。爲昨宵留住愁痕。還題句。要裁雲剪月。逗一分春。差喜歸來相對。正燈花粲。檠杯竹傳根。才卸征衫。又煩洗卻。正墨微吟。淺醉休輕視。勝他時遠道懷人。判醉也。便取次書詞練裙。

買陂塘

稼庭以藕香來歸繪圖紀事分題種藕成蓮四字  
於首頁并采以詞

買陂塘。玻璃十頃。請看綠淨難唾。東西南北皆蓮。不除是江  
南。才可開一朵。認妙法華鬘。不受青泥沍。移根帖妥。儘曲檻  
低憑。畫欄間倚。月曉未愁墮。臺城路。聞說莫愁曾過。沈吟  
佳約能果。鷺猜鷗妬。更番事。直得銷魂真箇。浮一舸。也勝似  
秦淮漆板紅船。播修眉。休鎖笑。桺桺波迴。鴛鴦夢穩。雙調唱  
還和。

齊天樂

單藹臣司馬夢回圖用穀人祭酒韻

儘銷一枕遊仙意。繩牀木榻堪埽。栩栩同初。惺惺斷後。只有

靈光孤照綠天遮了。任雨覆雲翻。不將公惱。影事前塵。黑甜鄉裏最幽悄。人閒世事都幻。付漁蓑滄浪。睡起成笑。石鼎茶香。瓦鐺飯熟。誤卻浮生多少。醒來也好。奈白日黃雞。一齊催曉。我亦揚州十年留臘稿。

買陂塘

題琴鳴邪溪漁隱第二圖用飲泉韻

記年時青鞵布韉沿緣尋徧煙水。樵青打槳漁童唱。驚得浣紗人起重。到未悔如此溪山。不把扁舟繫住。爲佳耳。看劍外官人湖邊老監。鄉夢畫圖裏。男兒事出處。要非無意。再三想見高寄三千六百璜。溪釣何似一竿風。紉儂試擬。怕比似鴟夸太早。互胡計。鱸魚雖美。又驛吏催人。街亭排馬。風雪促征騎。

賣花聲

題李子木煙泉蘿壁看子

青玉削嵯峨。秋影羅羅。坐來寒翠溼衣多。領取風泉歸一壑，彈入雲和。卜築傍岩阿。老子婆娑。郎君撰杖侍行窩。肯信有人空谷裏，日暮牽蘿。

臺城路

宣審蟋蟀盆

秋風吹換人間世。此中貯秋聲者。似鏡能圓。比甌無缺。還勝香姜殘瓦。提攜羅帕。慣阿監青蛾。聽來長夜。剔盡苔痕。棘鍼花草極妍雅。一行小款誰寫。怕銅仙漢苑。鉛淚如瀉。金鼎香熏錦堂詞麗。都付冷攤評價。宣德銅蟹多刻錦堂春詞達侯封論功此亞。譜入唐風。水天兒女話。

綺羅香

同人集文敷山房酒閒爲柳東題朱竹翁瑞蓮詞

冊卽用竹翁第一首韻

別院鐙紅照檐梅。白夜酌正開春甕。閒話詞仙杯底酒波如  
涌。新聲倚羅綺。香餘遺墨在文章。綠重。應笑他頭白。曹侯買  
來一水也思種。種水有和作菱池槐汴都廢。那有紅衣翠蓋。水  
風涼送。遠譜贛洲吹醒老漁殘夢。殢牆外卧柳將青。斷約下  
員紋欲動。問何時更權蓮舟藕絲同雪孔。

如此江山

西齋七十二賢峰草堂圖用琴鳴韻

十年鬪扁西胡路。西谿獨遲搜討。晚港尋煙。秋華殢雪。可許  
蘆中人到。山阿窈窕。似羅列成行。曲眉齊掃。名箇箇室分明。



指點出林表 余懷天際渺渺風塵都倦矣 陳跡茫茫兩鬢  
先絲一椽未卜慚媿白鷗吾導眼中了了只東野詩工有山  
難抱 遂譜蘋洲聽歌應絕倒

浪淘沙

己丑除夕閱種水削縷詞中有和周晉仙明日新  
年一闕輒和其韻未免見獵之喜也

驄馬鐵連錢芳艸芊芊載來金鴈與鈿蟬 箏柱十三釵十二  
一櫂觥船 舊夢阿誰邊說甚因緣只今禪榻坐蕭然佛火  
爐香清到曉明日新年

壬午十二月廿二日所假館之樓火僅跳而免所著皆  
燼友朋掇拾間以鈔寄不復次第得卽存之頻伽

爨餘詞卷一終